

von Erden auffgeworffen / oder ob sie mit Mauerwerck be-
 kleidet seynd / ob man sie kan miniren oder nicht.

Item ob man auch die Casematten im Felde kan sehen /
 ob sie hoch oder nider / einfach oder dopelt vber einander seynd /
 Item ob man mit einem stracken / oder seilen vnd Geschuß
 könne hinein schieffen / ob sie auch fornen her mit Graben / dar-
 innen die Ruinen fallen / versehen oder nicht. Er muß auch des
 Grabens kündig seyn / wie tieff / wie breit / ob er im Boden steis
 nicht / küssicht / oder letticht / ob er trucken oder voll Wasser /
 ganz oder nur zum Theyl sey.

Seynd heimliche Pforten daran / so muß er auch wissen
 wo dieselbige seynd / vnd wo oder wie man sie entdecken kan.

Item ob die Contrescarpe nur schlecht von Erde ist
 auffgeworffen / oder ob sie auffgemauret ist : Ob solches
 Mauerwerck mit grossen Steinen auff einander gelegt / oder
 ob es mit Sandt vnd Kalck ist bestrichen.

Item ob der bedeckte Weg auff der Contrescarpe
 breit oder schmal / wol oder vbel bedeckt vnd bestrichen : Ob ih-
 re Brustwehr vber die Explanaten vnd flache Felde erhaben /
 oder derselbigen gleich / ob sie nur von schlechter Erden auffge-
 worffen / oder von schüct Erdē gemacht mit allen Ruinen ver-
 mengt / vnd ob man sie leichtlich durchgraben / brechen oder
 bohren kan oder nicht.

Item wann sie eine Vorstatt hat / muß er auch wissen /
 ob er sich ihrer im ersten Anlauff könne mächtigen / oder ob er
 sie auch mit dem Geschüß bezwingen müsse.

Item wann noch andere Arbeit aussershalb der Contre-
 scarpa ist / muß er auch die Beschaffenheit derselbigen wis-
 sen.

Item ob das Feld so außwendig herum erhöhet / also
 daß es der Festung könne dominiren oder commandiren / oder
 aber /